

508 An der bürge lāgen lobes werç:
 nāch trendeln māze was ir berc;
 swâ si verre sach der tumbe,
 er wānde, si liefē al umbe.
 5 der bürge man noch hiute giht,
 daz gein ir sturmes hōrte niht.
 si vorhte wēnec sōlhe nōt,
 swâ man hazzen gein ir bôt.
 al umben berc lac ein hac,
 10 des man mit edelen boumen pflac.
 vîgenboum, grânât,
 ôle, wîn und ander rât,
 des wuohs dâ ganziu rîcheit.
 Gawan die strāze al ûf hin reit;
 15 dâ ersach er niderhalben sîn
 vreude unt sînes herzen pîn.
 ein brunne ûzem velse schōz;
 dâ vander, des in niht verdrōz,
 ein alsô clāre vrouwen,
 20 die er gerne muose schouwen,
 aller wîbes varwe ein bêâflûrs.
 âne Condwiramurs
 wart nie geborn sô schœner lîp.
 mit clârheit sūeze was daz wîp,
 25 wol geschicket unt kurtois.
 si hiez Orgeluse de Logrois.
 ouch sagt uns diu âventiure von ir,
 si wære ein reizel minnen gir,
 ougen sūeze âne smerzen
 30 unt ein spansenwe des herzen.

In der (+nder O) *T (ohne UV)
 in trendelen m. (male I) *G (ohne LZFr22) · was der b.; *T (Fr57)

hōrte sturmes (stvrms hore L [U]) *G (nur GI) (U)

v. unde (Viol blūmen L Vigin bl̥min Fr22) gr., *G (nur GZ)

dâ grōziu r. *G (ohne ZFr57)

dô sach er *T

g. mohte ([m*]: mōhte V) sch., *G (ohne Z) (V) g. muoze sch., *T
 wîbe *T (I L Fr57) · ein om. *G (nur GL)

g. sch. wîp (lip U O I L [*]: lip V). *T (I L Z)
 was ir (der Z) lîp, *T (nur T) (Z)

*D: D *m: m *G: G I L Z Fr22 (508.1–14) Fr57 (508.2–27) *T: T U (ohne 508.29–30) V O

1 Überschrift: Hie ist die auntevtr wider an hern Gawan komen Vnd der ist nu durch strites willen komen f̥vr logrois die stat Z · Initiale D G I L Z Fr22 T O 15 Initiale I

1 An] +n D 9 al umben] alumb dem *m 14 Gawan die strāze ûf in reit; *m 17 ein brunne ûf einem (avs dem Fr57 vz [*]: eime V) vels (felsch m) vlōz; *m (Fr57 V) · velse] verse D 20 muose] mohte (mōhte m) *m 21 wîbes] wîbe *m 24 mit clârheit was daz selbe wîp, *m 27 ouch sagent (seit I [L] [*]: saget vns V) die âventiur von ir, *m (I L V) 28 reizel] ritzel ([*]: reissel V) *m (V)